

## ছাত্রদের চোখে রাজনীতি

রাজশাহী বিশ্ববিদ্যালয়ের ছাত্রছাত্রীদের মধ্যে জরিপ চালিয়ে দেখা গেছে তাদের অধিকাংশই রাজনীতি পছন্দ করেন না। সমাজ-বিজ্ঞান বিভাগের একজন প্রাক্তন ছাত্র এই জরিপ পরিচালনা করেন। জরিপের ফল হলো এই বিশ্ববিদ্যালয়ের মাত্র ২৫ দশমিক ২৫ ভাগ ছাত্রছাত্রী রাজনীতি পছন্দ করেন। বাকি ৭৪ দশমিক ৭৫ ভাগ রাজনীতি পছন্দ করেন না। যারা রাজনীতি অপছন্দ করেন তাদের মধ্যে আবার ছাত্রীর সংখ্যাই বেশি। ছাত্রীদের শতকরা ৯২ দশমিক পাঁচজনই রাজনীতি অপছন্দ করেন।

ছাত্রছাত্রীদের রাজনীতি থেকে দূরে থাকার জন্যে গুরুত্বপূর্ণ সব সময়েই উপদেশ-নির্দেশ দিয়ে থাকেন। কিন্তু সে জন্যেই কি রাজশাহী বিশ্ববিদ্যালয়ের ছাত্রছাত্রীরা রাজনীতি অপছন্দ করতে শুরু করেছেন? নাকি তারা ছাত্রজীবনে অধ্যয়নই একমাত্র তপস্যা বলে বিশ্বাস করেন? এর পেছনে অন্য কোন কারণ নেই তো? ছাত্রজীবনে বয়সের যে তারুণ্য এবং সজীবতা থাকে তাতে কোন আকর্ষণীয় বিষয় থেকে বিমুখ হবার ঘটনা তো স্বাভাবিক নয়। রাজনীতিতে অংশগ্রহণ করতে হবে এমন কথা নেই। কিন্তু নিজের দেশের এবং আন্তর্জাতিক রাজনীতিকে জানার আগ্রহ থাকবে না বা তার বিষয়টি পছন্দ করবেন না—এ রকম হওয়াও স্বাভাবিক নয়।

জরিপে ছাত্রছাত্রীরা রাজনীতি বিষয়ে অজ্ঞতা প্রকাশ করেছেন। অনেকে রাকস, কি, রাকসুর সভাপতি কে এসব কিছুই জানেন না। ছাত্রছাত্রীদের এ মানসিকতা একটু অদ্ভুত সন্দেহ নেই। একজন মনীষী বলেছিলেন জ্ঞানার্জনের প্রাথমিক ধাপ নিজের পরিপার্শ্বকে জানা। ছাত্রছাত্রীরা জ্ঞানার্জন করতে এসে রাজনীতি জানবেন না এটা বিস্ময়কর।

কিন্তু এমন বিস্ময়কর ঘটনা কেন ঘটে? কারণ আছে নিশ্চয়ই। আমাদের মনে হয় কারণটা আমরা জানি। আমাদের দেশে শিক্ষালয়ে রাজনীতির নামে যা চলে এসেছে তাতে ছাত্র কেন অছাত্রদেরও পীড়িত বোধ করার কারণ আছে। শিক্ষালয়ে রাজনীতির ষড়যন্ত্র দেখা গেছে, অস্ত্রের বনবানানি শোনা গেছে টোকার খেলা জমেছে এবং কি নয়? এসব ঘটনা শিক্ষার্থীর মনে যদি রাজনীতির সম্পর্কে বিষয়ে থাকে তাহলে তো শিক্ষার্থীদের দোষ দেয়া যল্ল না। শিক্ষালয়ে নানা বিশৃঙ্খলিত পড়শোনার মান পড়ে গেছে, ছাত্রছাত্রীরা সমস্যার দিক থেকে পিছিয়ে গেছে, অনিশ্চিত হয়ে পড়েছে তাদের ভবিষ্যৎ জীবন।

রাজনীতিকে একটা সুস্থ স্বাভাবিক বিষয় হিসাবে যদি তাদের সামনে তুলে ধরা হতো তাহলে নিশ্চয়ই তাদের রাজনীতির ওপর এই বিরাগ জন্মতো না। দেশ-বিদেশের রাজনীতি জানার আগ্রহ তাদেরও থাকতো। আমাদের তো মনে হয় ছাত্রছাত্রীদের সংখ্যাগরিষ্ঠ অংশ যে রাজনীতি পছন্দ করেন না বা রাজনীতি সম্পর্কে যে তারা বীতশুভ তার কারণ রাজনীতির বিকৃত দেখে তারা তিস্তবিরস্ত। সরকার, রাজনৈতিক দল, এমন কি ছাত্র সংগঠনগুলিরও এ তথ্য থেকে অনেক কিছু বোঝার এবং জানার আছে বলে আমরা মনে করি।